



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quàm extra corpus Juris Canonici vagantur ...

**Fargna, Francesco de
Montisfalisci, M.DCC.XVII.**

Casus X. Argumentum. De requisitis necessariis ad acquirendum
Juspatronatus ex redotatione.

[urn:nbn:de:hbz:466:1-72191](#)

hil disponit, ergo nec nos disponere debemus.

2 Et quia juxta *Gloss.* in supradicto cap. *Piae Mentis Patronus* dicitur ille, qui deducit Ecclesiam de non esse ad esse, sed ditans Ecclesiam jam sufficienter dotatam, non deducit Ecclesiam de non esse ad esse; quia Ecclesia sufficienter dotata jam habet

3 esse, ergo non dicitur Patronus, sed meritus Benefactor, *Lambertin. de Jurepatr. lib. 1. part. 1. quest. 6. art. 1. num. 15. vers. Secundum membrum Abb. conf. 59.*

Præterea non potest acquiri Juspatronatus Fundatione, constructione, vel donatione, nisi interveniat consensus Episcopi, ut dicimus infra, in Secunda Parte *Can. 27.* Episcopus autem non debet consentire, ut ditans acquirat Juspatronatus, quia cum Ecclesia sit sufficienter dotata, ad

4 quid admittere ditantem? Cum odiosum sit Ecclesiæ plures habere Patronos, maximè non existente ulla necessitate; *Lambert. de Jurepatr. lib. 1. par. 1. quest. 6. art. 2. n. 7. & qu. 1. art. ult.* Et si Episcopus consentiret, non proinde ditans acquireret Juspatronatus, quia cum Ecclesia sit ab initio de Iure libera respectu ditantis, non potest Episcopus eam subjicere Juripatronatus illius. *Abb. conf. 106. num. 4. par. 2. Rocch. de Iurepatr. in verb. Pro eo quest. 26. num. 34. Rota decis. 311. num. 2. part. 2. recent.*

Non obstat *Text. in cap. Filiis per verbum illud, vel ditavit*, quia loquitur de dotatione exuberante, quod scilicet si unus, vel plures dederint Ecclesiæ dotem exuberantem, acquirent Juspatronatus non quidem ratione illius exuberantiae, sed ratione dotis sufficientis juxta nostrum *Text. in cap. Quicunque.*

Et ita etiam resolutum fuit à Sacra Congregatione Concilii in Nullius Altamuræ Rededificationis Ecclesiæ 23. Martii 1697. Ubi cum ruralis Ecclesia simplicis Beneficii sub titulo S. Mariæ à multis annis solo æquata repertiretur. Rector cupiens illam à fundamentis rededificare cum impensa ducatorum 300. & cum augmentatione dotis ultra medietatem præsentium reddituum, institerit reservari sibi, suisque hæredibus Patronatum dictæ Ecclesiæ ex utroque titulo rededificationis, & redotionis, & proposito dubio: *An petitare*

servationi Iurispatronatus favore predicti Rectoris, ejusque hæredum sit annuendum?

Fuit responsum negativè: *Quia si reservatio petitur pro rededificatione, obstat regula*

quod ubi rededificatio facienda est, onus imminent Rectori ex redditibus Ecclesiæ, deductis oneribus, ut notat Bellet. disquisit. Clerical. part. 1. de Cleric. debit.

S. 4. sub num. 1. Si autem petitur pro augmento dotis, obstat Regula, quod dum Ecclesia obtinet dotem nimis excedentem, si quis vult dotem augere per modum ditationis, non donationis, non meretur reservationem Jurispatronatus, ut ex Autoritatibus supradictis, quibus addo de cisi. 162. num. 4. coram Bicb.

ARGUMENTUM.

De requisitis necessariis ad acquirendum Juspatronatus ex redotatione.

SUMMARIUM.

- 1 *Servitus non potest imponi rei Sacre.*
- 2 *Ex Redotatione Ecclesiæ acquiritur in ea Iuspatronatus, & num. 7.*
- 3 *Quæ requirantur ad acquirendum Juspatronatus ex Redotatione.*
- 4 *Augumentum dotis si non excedat medietatem, denegandum est Juspatronatus.*
- 5 *Dos aucta supra medietatem, si non sufficiat Parochio pro congrua, non acquiritur ex illa Juspatronatus.*
- 6 *Redotans Ecclesiam requiritur, quod conferat Bona speciali titulo dotis.*
- 8 *Gloss. in cap. Piae Mentis 16. quest. 7. quo sensu loquatur?*
- 9 *Iuspatronatus dum acquiritur ex Redotatione, non imponitur servitus rei Sacre.*
- 10 *Iuspatronatus acquiri potest ex collatione Bonorum favore Ecclesiæ consecrata, & dotata, aut Ecclesiæ liberæ, sed de consensu Patroni, & ex Ben placito Apostolico.*
- 11 *Papa potest Ecclesiæ liberas Iuripatronus subjicere.*

C A-

C A S U S X.

Ecclisia A. cum fuerit depauperata, ita ut redditus illius non sufficerent pro substantiatione Rectoris, Titius consultulit illi pro augumento dotis multa propria Bona. Quæritur, an ex ista collatione Bonorum, seu redotatione Titius acquisiverit Juspatronatus.

Et videtur respondendum negativè. Obstat enim *Gloss. in cap. Pia Mentis* de quo supra *Can. I.* dicens, quod si quis post consecrationem dat aliquid Ecclesie, per hoc non fit Patronus: & dat rationem, quia si post consecrationem fieret quis Patronus, jam imponeretur Servitus rei Sacrae, quod esse non debet, ut in *ff. de Ser. Servitutes 2. S. ult. Germinian. conf. 45. num. 3.* Monac. super 6. *Decretal. cap. Si Laicus de Jurepatr. num. 16.* nam quod humani Juris esse definit, servitutem non recipit *ff. Com. præd. L. Caveri.*

2 Contrarium tamen verius de Jure est, quod scilicet ex Redotatione Ecclesie acquiratur in ea Juspatronatus, dummodo concurrentia sequentia requisita.

Primo scilicet, quod Ecclesia sit de pauperata, & dos ejus sit redacta de esse ad non esse, aut sit incongrua, & insufficiens. Secundò, quod redotans Ecclesiam augeat dotem saltem ad summam excedentem medietatem juxta *Constitut. Adriani VI. publicat. 9. Decembris 1522.* quæ est tertia ipsius in novo Bullario, ubi abrogata fuerunt Privilegia super Jure presentandi Rectorem in Ecclesiis, nisi earum fructus, redditus, & proventus forent aucti de propriis Bonis Privilegiatorum ad medietatem veri annui valoris, & ut resoluit Sacra Congregatio Concilii in *Asten. 27. Maii 1645. Neapolitana sub die 2. Decembris 1679.* & in *Taurinen. 14. Martii 1682. Beliram. ad decif. Ludowis. 397. S. ultimo sub vers. Benè 4 verum;* Itaut si argumentum non exceedat medietatem, denegandum est Juspatronatus, ut fuit denegatum à Sacra Congregatione Concilii in *Hipporegien. 15. Iunii 1669.* & in *Pampilonen. 7. Septembris 1669. pag. 291. à tergo,* & *27. Septembris 1670.* Sicuti denegandum est 5 Juspatronatus, si dos ita aucta supra me-

dietatem, neque sufficiat Parochio pro congrua, *Barbos. de Offic. Episcop. allegat. 70. num. 10. Sperell. decif. 68. num. 12.* & fuit resolutum à Sacra Congregatione Concilii in *Taurinen. Iurispatronatus 13. Maii 1679.*

6 Tertiò, quod redotans conferat Bona Ecclesie depauperatae speciali titulo dotis ad differentiam fundantis, & construentis Ecclesiam, qui non requiritur, quod conferat Bona Ecclesie expresso titulo dotis, quia ipse ad dotationem tenetur, ut notat *Lambertin. ubi infra;* alias dicereatur potius Benefactor, quam Dotator, & Patronus. Quartò, quod redotans, si non est Patronus, redoret Ecclesiam depauperatam de consensu primi Patroni, & de speciali consensu Episcopi.

His enim omnibus concurrentibus, ex 7 Redotatione Ecclesie acquiritur Juspatronatus juxta dispositionem nostri *Textus in cap. Quicumque, Abb. conf. 106.* & in *cap. Quoniam, ibique Bero. num. 74. Ioann. Andr. in cap. 1. de Jurepatr. Lambertin. eodem tract. lib. 1. par. 1. quæst. 6. art. 1. Lotter. de re Benefic. lib. 2. quæst. 8. numer. 33. Garz. de Benefic. part. 5. cap. 9. num. 126. Monac. super 6. *Decretal. in cap. Si Laicus de Jurepatr. num. 16. S. Istud, Rota decif. 60. num. 3. & decif. 254. numer. 4. part. 3. recent. & decif. 38. num. 9. coram Priol. & decif. 162. num. 7. & 512. num. 9. coram Bichio, & decif. 39. num. 16. coram Ninot, Rota decif. 518. num. 12. coram Pamphil. & decif. 249. num. 5. par. 9. tom. 1. Recent.**

Non obstat *Gloss. in dicto cap. Pia Mentis*, quia loquitur de Ecclesia consecrata dotata, non verò de Ecclesia consecrata indotata, aut depauperata, in hoc enim Casu absque dubio acquiritur ex redotatione Juspatronatus, cùm Spiritualia non possint esse sine temporalibus, ut bene notant *Abbas conf. 59. Ioann. Andr. in cap. 1. 16. quæst. 7. Lambertin. ubi supra.* Nec acquirendo Juspatronatus ex redotatione imponitur Servitus rei Sacrae; quia favore Ecclesia redotatio retrò trahitur, & fingitur Ecclesia dotata ante consecrationem, sicuti juxta *Textum in cap. Tanta, qui Filii sunt legitimi favore matrimonii, Filii geniti ante contractum matrimonium, simulantur geniti post, juxta*

Commentaria ad singulos Canones

juxta Lambertin. ubi supra, & alios apud eum relat. Amofaz. de Causis Pii lib. 5. cap. 5. num. 69. & seqq.

Duo tamen hic noto. Primum est, quod si quis de consensu Patroni consecrat Ecclesias consecrat, & dotatæ alia. Bona sufficientia, & congrua titulo do-
tis; potest in ea acquirere sibi Juspatro-
natus, de consensu tamen, & beneplacito Papæ, non verò Episcopi. Secundum
est, quod si quis Ecclesias liberæ confe-
rat pro dote multa Bona sufficientia, &
congrua, reservando sibi Juspatronatus

in illa de consensu Papæ, acquirat Jus-
patronatus. Ratio est, quia Papa potest
maximè titulo oneroso, subjecere Eccle-
sias consecratas, dotatas, aut liberas
Juripatronatus alicujus, cum sit Dominus
omnium Beneficiorum, absolutam habens
potestatem in Beneficiis Ecclesiasticis,
juxta Textum in cap. 2. de præbend. in 6.
Lotter. de re Benefic. lib. 2. quæst. 22. nu-
mer. 9. & 10. fed vide deducta per D.
Advoc. Pison. discept. Eccles. 33. num. 10.
& seqq.



C A.